


Gebhard; Donat, Paul [Oth.]: Ausschreiben Vnd Gründlicher warhaffter Bericht VNser Gebhardts/ von Gottes Gnaden erwelten vnd bestetig=ten Ertzbischoffs zu Cölln ...: Warumb wir vns mit etlichen Solda=ten/ zubeschützung vnserer Land/ Leut/ vnd eigenen Person/ auch fol=gends in weitere Kriegsrüstung/ wider vnser Feind vnd widerwer=tige/ zubegeben genottrant ...die freylassung der wahren Christlichen Religion Augspurgischen Confession verstatet ... vorgenom=men sey worden.

[Magdeburg]: [Paul Donat], 1583

Seite 31



31  
NVMERO IIII.

**I**nstruction: Was in vnser Gebhardts vōGottes Gnaden Ertzbischoffen zu Cölln / des heiligen Römischen Reichs durch Itali:n Erzbischoffs/ vnd Churfürsten/ Herzogen zu Westphalen vnd Engern/ etc nahmen/ Den Wüerdigen/ Edlen/ vnsern Neuen/ vnd lieben andechtigen Dechant vnd Capitel vnserer Kirchen/ in vnserer Stadt Cölln / von vnsern zu ihnen Abgesandten fürbracht werden sol.

Anfenglich sollen vnser abgeordnete / zu qualificirung irer Personen / in versamletem Capitel / vnser ihnen zugestellte Credenzschriff vbergeben/ auch darauff vmb Audiens anhalten / vnd neben vermeldung vnseres Erus in offener versammlung/ nachfolgende meynung vngesährlich vortragen.

Wir der Churfürst/ achten vnnötig seyn / mit weitläuffiger ausführung / sie vnser Capitularn zu erianern / welcher gestalt vns der Allmechtige nach seinem Göttlichen willen vnd schiekung / vermittelst der ordenlichen Wahl/ zu Christlicher administration vnd Regierung/ dieses vhralten Churfürstlichen Erzbischoffs Cölln/ wiewol vnwürdig beruffen/ wir auch folgends die schwere last/ vnser besohlenen ampts angenommen / auch bisanhero getragen haben.

Wiewol nun vnser verhoffens / wir bey zeit vnserer Regierung/ weder vnserm Wüerdigen Thumb Capitel/ noch Landständen/ oder andern Vnterthanen/ zu fassung einigen Mißtrawens / viel weniger aber vergeslichen beliebung vnserer Widerwertigen / vns zu nachtheil / hin vnd wider ein zeitlang getriebener Practiken jemals vrsach geben haben / So sey doch vnuerneinlich war / vnd im nothfall genugsam beweislich / das etliche Capitulares sich vnterstanden haben / mit allerhand vnerfindlichen zumessungen / vns hin vnd wider auszuschreyen/ vnd bey vnsern getrewen Landständen / vnd Vnterthanen verhaßt zu machen / auch vnter andern vns zu beschuldigen / als ob wir vns fürgenommen haben / vns vnser erlangten Erzbischofflichen Dignitet vnd Standts / zu vnserm gesuchten vngübhrlichen Vortheil zu misbrauchen / Vnd vnser diesem Erzbischoff / Auch dessen